

**Ordnung der Stadtschule in Zwickau<sup>1)</sup>**

fol. 80v-82v Dicz synt der schule geseetze, mit den man dy schule lihen sol.

<sup>(a)</sup>Wir rat unde rete gesworn der stad Zwickow haben dyse nachgescr(iben) unser schule geseetze, recht unde gewonheyt mit rat, kure unde volbort unser eldesten unde clugsten nach alder gewonheit chuntlich zu eyner wyssintheit eines icliches unsers schulmeisters lasen bescriben, mit den geseetzen wir unser schule eyne wiesen, fromen mane lihen zu schulmeister von dem rat enphangen unvorbrochlich an allen eren artikeln zu halden.

1.<sup>b)</sup> Von der quatuortemper. Vir stund in dem jare zu eyner iclich quateremper iclich schuler unde kind, daz vormag, daz ubir eyn jar in dy schule ggangen ist, sal geben dem rechten meister 2 schillinge haller der stad were.

2. Daz nuwe jare. Czu dem nuen jar iclich schuler, der uber<sup>c)</sup> eyn jar in dy schul ggangen hat, sol geben dem obersten meister 4 haller, dem undermeyster 2.

3. Purificacionis. Zu unser frauen tag lichtwihe iclich schuler, der mer denne eyn jar in dy schul ggangen hat, sol eyn licht haben Got zu lobe unde daz nach dem ummegange der procession syme meyster geben. Hat er des liches nicht unde vormag daz, so gebe er dorvor 4 haller dem meyster.

4. Lazehaller. Lazehaller gibet man zwir in dem jare, Phillippi unde Bartholomey. Zu den tagen zu iclichem besundern sol ý daz chind, daz uwer jar in dy schul ggangen hat, daz vormag, schol geben dem schulmeister 2 haller.

5. Gregori. Zu senthe Gregorij tage phliget man dy kynder in dy schule zu der lernunge zu seczin. Welche kind man denne in dy schule seczett, daz sal nach ym preczen an eyner stangen lasen tragen nach siner eldern kure, wy vil sy wollen, unde damite eynen gr dem meyster brengen unde geben zu eren, unde syn vort daz jar gen den rechten meyster ledig unde vryhe.

6.<sup>d)</sup> Expulsionales. Zu ostern, als man dy chinder phliget uszutriben, iclich kind, daz uwer daz jar in dy schul get unde es daz vormag, sol geben dem schulmeister 2 haller, zu der gemeynten wochen zu ustriben aber 2 haller. Zu wynachten, wil der meister dy chinder us triben, daz sie an ym, aber cheine ustribehaller sol man nicht geben.

7. Kernhaller. Zu kernhaller sol ider schuler, der eyn jar in dy schul ggangen hat, dem rechten meyster geben vier hallir, dem undern meyster 1 ½ haller.

8. Metehaller. Zu unser frauwen tag wůrczwyhe sol iclich schuler, der eyn jar in dy schul gegangen hat unde daz vormag, dem schulmeister geben zu methhaller 4 haller, sime undermeister 2 haller.

9. Lignales vel ligna. Zu omnium sanctorum ader eher, dornach di zit kalt ist, sol man di schule heyczen. Iclich kind nūe unde alt, daz vormag, sol iclichen tag eyn mal zu mittage nach essen, dywil man heyczet, eyn schit holcz in dy schul tragen. Gibt es aber eyn fuder holcz umme zwen schillinge